

Cietcaeqsah Dungcuz:

Daiq Miz Heiq Ciuhgeq Naekgywg

神圣古朴的侗族祭萨节

□ Luogz Cwag iogj Siabhyungz boiz



▲ Laex caeq "Sahsui" naek, yaek aeu daih cienz daih.



▲ "Ngaiz bak ranz" baijle, caenh deq hek daeuj naengh.



▲ Ceizet caen homrang, vunz doxcanj cimz feih.



▲ Boq venz coux hek daengz, ngoenzciet engq hoenghnauh.

Moix bi liggaueq ndwenngaih ngoenzmaux daih'it, Lungzswng Gak Cuz Swciyen Lozyangh Yangh Baujcwng Cunh gyoengq beixnuengx Dungcuz doxcomz youq diegdangz, caez angq yangz gvaq "cietcaeqsah" bi gvaq baez ndeu haenx. "Cietcaeqsah" dwg ngoenzciet dajcaeq conzdungj Dungcuz, gij hoengh de cij baiz baihlaeng ndwencieng. Ngoenz haenx, cawz guh hozdung dajcaeq le, gyoengq beixnuengx Dungcuz lij baijyienj le boq venz caijdangz, foux dohyeh, ngaiz bak ranz Dungcuz daengj swcigih gaep, si gaep feihvuzciz vwnzva yicanj, cimz gwn "sam bauj" Dungcuz, youq ndaw angqyangz gamjsouh gij daegsaek gagmiz caeuq gij vwnzva gyaenanz Dungcuz.

"Sah" (vah Dungcuz eiqsei dwg daxbuzcoj) caprag youq ndaw vwnzva conzdungj Dungcuz lienziengh baenz geij cien bi haenx laeglwdlwd, dwg diuzsai cingsaenz hotnangq swngghoz vwnzva Dungcuz ndeu, vunz Dungcuz bouxboux cungj mbaenj de baujhoh. Youq Baujcwng nem doengh dieg Dungcuz seiqhenz haenx, gij gojriuz gvendaengz "Sah" miz geij cungj, cungj he riuz ndaej ceiq gvangqlangh: Seiz ciuhgeq, miz boux mehmbwk

Dungcuz coengmingz naengzganq, simsoh simsienh ndeu, de daiq bouxgvan, rap lwg aemq nyez, byaij gvaq cien bya fanh raemx, danhfanz roeb daengz rangh dieg gvangqlangh caemhcai q miz raemx laeret haenx, cungj baek diuzbiu guh geiqhauh, caiq lwnh hawj gyoengq lwglan Dungcuz mbouj miz reihnaz ndaem haenx, bang gyoengqde senj dieg ndei caeplaeb mbanjranz, cauh naz cauh reih, ndaem ciengx hwng ranz, hawj gyoengq lwglan Dungcuz ndaej sanj vaiq hwnghoengh, bingzan vuenyungz. Gvaqlaeng vunzraeuz vihle geiqniemh de, caep daizcaeq guh aenmiuh, daihdaih dajcuengq caeqbaiq. Daizsah guh youq gak diegdangzin gyang mbanj Mbanj-sangcai, vunz baez yawj couh rox de dwg bouxcawj aenmbanj, baujyouh bouxvunz doenghduz bingzan. Dajcaeq hozdung Baujcwng Cunh gaxgonq dwg gek 7 bi banh mbat ndeu, seizneix dangdieg souhaeuj demlai caeuq miz muenghgouz lai le, gajj baenz moix bi banh mbat he, youq liggaueq ndwenngaih ngoenzmaux daih'it hoengh banh, caemhcai q gij hozdung dajcaeq demgya le neiyungz moq. Haet haenx, gyoengq vunzmbanj couh riengz-laeng bouxdaiqcaeq guh

"caeqseng" (aeu doenghduz lix dajcuengq), "cunzyou" (ram aengih siengqsaenz "Sahsui" bae gak aen mbanj Dungcuz henzgyawj youzbyaij soengq fuk), "caeqcug" (aeu gijgwn cawjcug daeuj dajcuengq) daengj caeqbaiq hozdung le, riengzlaeng lij guh gij hozdung ciengq go diuq foux lai cungj lai yiengh caemhcai q gig ndei yawj haenx, youz gij doihbiuyienj vwnzyi gak aen mbanj gyoebbaenz, miz foux dohyeh, boq venz caijdangz, ciengq golaux, foux daem et, gangjgvanj, foux daengq, foux dubbaengz, go bizbaz daengj cizmuz go foux conzdungj Dungcuz, ndei yawj yinx vunz. Biujyienj sat le, gyoengqvunz Dungcuz camgya hozdung biujyienj haenx caeuq hekyouz youh caemh daiz naengh youq henz daiz raezrangrang haenx, sangjswt haisim dwk gwn donq ngaiz conzdungj Dungcuz—"ngaiz bak ranz", seizneix doiq fwen gingq laeuj, nauhyied raixcaix. Mbwn menhmenh laep roengzdaeu le, aen hozdung vwnzyi biujyienj doengxhaemh youh hoenghhwd dwk hainduj lo, vunzmbanj caeuq bouxhek cungj angqyangz vuenheij dwk caenx bae humx yawj, ciengzmienh nauhyied hoenghhwd.



▲ Angq yienj heiq dohgah dohyeh, daegsaek diegde naekgywggywg.



▲ Yienj gangjgvanj Dungcuz, leix guhsienh cienz doh.



▲ Caemh diuq "foux dohyeh", gij angq de gaeuq haenq.

► Daxbuz soengq laex hawj "Sahsui", mbaenj ngoenzndei buenx ndaej baenz ciuh.

